

A UNU EZZU PUZONE
+*+*+*+*+*+*+*+*+*

Sempre ti seras, puzone,
in delissias d'eranu?
Ti cres a mesu manzanu
cun sas pumas de paone?
Non ti nd'abizas, bezzone,
chi ses tottu conchi canu!

Dechidu puzone sese,
cantas, piaghes cantende;
ma isbagliu ses fattende
ses chi giovanu ti cress.
Como has isprones in pese
e ses sa puma perdende.

Si cantas che una ia
sas notas tuas dechidas,
rendes consolu a sas vidas
de s'amore in bramosia.
Ma pro te est tribulia
cantare prendas perdidas!

Non prejumas, caru amigu,
chi flores dae nou.
Como addainanti tou
has miseria e castigu.
Narat unu dicciu antigu:
"Dogni cosa a tempus sou"

Deo, ezzu che a tie,
so guasi diventadu;
però ch'appo furriadu
sa pazza de unu die....
Solu est restadu a mie
s'amentu 'e su passadu!

Sighi, puzone, a cantare
ma non ti cretas piseddu.
Cando fis conchi nieddu
podias ispacconare;
Como podes presentare
solu alvu su cherveddu.

Infine, puzone caru,
non mi ponzas in ispinas....
Pro t'haer ~~custas~~ ~~sestinas~~
troppu faeddadu giaru.

In unu cantat in beramu solu

ISPOSALIZIU IN SAS CAMPAGNAS DE GADDURA

Dominiga manzanu, Giuanneddu,
cun sorres, frades e amigos bonos,
tra boghes, tiros, cantigos e sonos
s'incammineit dae manzaneddu,
pro regalare de oro un'aneddu
e oricinas cun ateros donos
a Anna, ch'isettende fit de coro
pro ligare su coju a modu insoro.

Cando giompen a una puntizola,
iden sa domo de ue abitat Anna,
tra una comitiva pius che manna,
a s'and'e terra fattende s'ispola...
Mandan in altu tiros de pistola,
cuddos risponden da s'oru 'e sa janna
cun tiros de fusile, nende a boghe:
"Fuide pro non morrer tottu inoghe!"

Sos fusiles, però, senza piomu,
fin garrigos a bulvera niedda.
Sos cadderis si nd'ettan dae sedda
fattende sempre 'e bulvera consumu.
Giuanne rupet in mesu su fumu,
currende a s'abbrazzare sa pisedda.
Ma duos brazzos fortes in cuss'ora
lu frisman de sa domo a parte 'e fora.

Su padronu 'e domo li ettat boghe:
"Ite chircas, Giuanne, in domo mia?"
"Un'anzonedda bella chi tenia
nadu m'han chi nd'est bennida a inoghe .
Permittet chi giandela m'isfoghe
e si ch'est, ritirarela cheria!"
"Sas anzones ti pongo tottu in fila,
e si ch'est, figu caru, gighedila!"

Giuanne chircat sa ch'had'in su coro
cun ojos de piantu, in bucca risu.
B'idet a Anna seria de visu
cun duos marcos in color'e oro.
Gridat: "Ecco s'amabile tesoro,
sa chi de istimare happe dexisu!
Ajò a Cheja pius che subitu,
chi ti dò un'aneddu beneittu!"

Su cuocu cantat in beranu solu

BIDA L'AZIS SA PEDRA 'E S'ELEFANTE?

=====

Bida l'axis sa pedra 'e s'elefante,
dae Casteddu-Sardu a Casteldoria ?
S'umbra sua m'est fissa in sa memoria
pro s'aspettu chi tenet importante.

L'happo cantada, idendela un'istante,
primu meu cantada l'hat s'istoria,
e primu meda, in s'epoca antigoria,
fit de sas fadas abitu elegante.

E cal'atera rocca ha s'altu onore
de si poder giamare gai bella,
e de attraer su visitadore?

Sa natura l'ha fatta pro modella
e de sas cosas suas de valore
forsi est sa mezus in sa parentella.

Su cucu cantat in beramu solu